



# Увс аймаг дахь Төрийн аудитын газар

## ГҮЙЦЭТГЭЛИЙН АУДИТЫН ХУРААНГУЙ ТАЙЛАН

---

Улсын төсвийн 2023 оны хөрөнгө оруулалтын  
төлөвлөгөөний хэрэгжилт, үр дүн

---

УВС АЙМАГ  
2024 ОН

Аудитын тайлан, дүгнэлттэй  
холбоотой асуудлаар асууж  
тодруулах, зүйл байвал  
70453317 дугаарын утсаар  
харилцана уу.

---

# УЛСЫН ТӨСВИЙН 2023 ОНЫ ХӨРӨНГӨ ОРУУЛАЛТЫН ТӨЛӨВЛӨГӨӨНИЙ ХЭРЭГЖИЛТ, ҮР ДҮН ГҮЙЦЭТГЭЛИЙН АУДИТЫН ТАЙЛАНГААС

## ҮНДСЭН МЭДЭЭЛЭЛ

Увс аймагт 2023 оны төсвийн тухай хуулиар 144.1 тэрбум төгрөгийн төсөвт өртөгтэй 46 төсөл, арга хэмжээг хэрэгжүүлэхээр баталсан бөгөөд 2023 онд олгох санхүүжилт нь 50.9 тэрбум төгрөг байна.

Эрх шилжсэн төсөл арга хэмжээ

Улсын төсвийн хөрөнгө оруулалтаар эрх шилжин хэрэгжиж буй 19 төсөл арга хэмжээнээс 2021-2022 онд хэрэгжиж дууссан 8, тайлант онд хэрэгжиж дууссан болон он дамжин хэрэгжиж байгаа 11 төсөл, арга хэмжээ байна.

Тайлант онд хэрэгжсэн

Тайлант оны 11 төсөл, арга хэмжээнээс зураг төсөв, магадлалын дүгнэлттэй, хуульд заасан бусад зөвшөөрөл олгогдсон 10 төсөл, арга хэмжээ, ажлын даалгавар техникийн тодорхойлолттой 1 төсөл, арга хэмжээ байна.



### Барилга байгууламж

Төсөвт өртөг-43,544.6  
сая төгрөг  
Төсөл, арга хэмжээний  
тоо-15  
Олгосон санхүүжилт-  
11,065.3 сая төгрөг



### Тоног төхөөрөмж

Төсөвт өртөг-149.9  
сая төгрөг  
Төсөл, арга хэмжээний  
тоо-1  
Олгосон санхүүжилт-  
149.9 сая төгрөг



### Их засвар

Төсөвт өртөг-2,713.9  
сая төгрөг  
Төсөл, арга хэмжээний  
тоо-2  
Олгосон санхүүжилт-  
555.4 сая төгрөг



### Зураг төсөв

Төсөвт өртөг-74.2  
сая төгрөг  
Төсөл, арга хэмжээний  
тоо-1  
Олгосон санхүүжилт-  
64.2 сая төгрөг

## АУДИТЫН ДҮГНЭЛТ



Тайлант хугацаанд хэрэгжсэн төсөл, арга хэмжээний зураг төсөл, ажлын даалгавар, техникийн баримт бичгийг холбогдох хууль тогтоомж, норм, дүрмийн дагуу боловсруулсан байна.



Улаангом политехник коллежийн дотуур байр, Хангилцагийн голын модон гүүрний ажлын нэмэлт гэрээ байгуулахдаа тендерийн хэмнэлт 2.3 сая төгрөгийг хасаж тооцоогүй байна.



Эрх шилжин хэрэгжсэн 19 төсөл, арга хэмжээний гүйцэтгэлд үндэслэн санхүүжилтийг олгосон байна.



Эрх шилжээгүй 8, эрх шилжсэн 4 хөрөнгө оруулалтын төсөл, арга хэмжээг төлөвлөсөн хугацаанд нь гүйцэтгээгүй байна.



Тайлант онд гүйцэтгэл гарч эрх шилжсэн 19, эрх шилжээгүй 8 төсөл арга хэмжээний хэрэгжилтэд Газрын харилцаа, барилга хот байгуулалтын газар хяналт тавьж ажилласан байна.



Байнгын ашиглалтад хүлээн авсан 8 төсөл, арга хэмжээнд улсын комиссоос өгсөн үүрэг даалгаврын биелэлт бүрэн хангагдаагүй байна.



Хэрэгжүүлж дууссан 10 төсөл, арга хэмжээг Төрийн өмчийн хорооны шийдвэр ирээгүйгээс данс бүртгэлд тусгаагүй байна.



Шинэ хөдөө төслийн хүрээнд нийлүүлэгдсэн хүлэмжийг иргэн, аж ахуйн нэгжид үнэ төлбөргүй ашиглуулж байна.



Хэрэгжсэн 3 төсөл, арга хэмжээ нь төлөвлөсөн үр дүнд бүрэн хүрээгүй байна.

УЛСЫН ТӨСВИЙН 2023 ОНЫ ХӨРӨНГӨ  
ОРУУЛАЛТЫН ТӨЛӨВЛӨГӨӨНИЙ ХЭРЭГЖИЛТ, ҮР ДҮН  
ГҮЙЦЭТГЭЛИЙН АУДИТЫН ТАЙЛАНГААС

## АУДИТЫН ЗӨВЛӨМЖ

### Аймгийн Засаг даргад:

1. Улаангом политехник коллежийн дотуур байр, Хангилцагийн голын модон гүүрний гэрээг шинэчлэн байгуулж т өндөрийн хэмнэлтийг үлдэгдэл санхүүжилтээс суутган тооцох.
2. Гэрээний хугацаанд ажлаа гүйцэтгээгүй барилга байгууламжуудын ажлыг гүйцэтгэгчээр хийлгэж хүлээн авах.
3. Шинэ хөдөө төслийн хүрээнд нийлүүлэгдсэн иргэн, аж ахуйн нэгжид үнэ төлбөргүй ашиглуулж байгаа хүлэмжийг түрээсээр ашиглуулах асуудлыг судалж шийдвэрлэх.
4. Гэрээнд заасан чанарын баталгаат хугацаанд ашиглалтын шаардлага хангахгүй таблетуудыг хэвийн ажиллагаанд оруулах талаар шаардлагатай арга хэмжээг авч ажиллах.

### Аймгийн Засаг дарга, Газрын харилцаа, барилга, хот байгуулалтын газарт:

1. Барилга байгууламжийг ашиглалтад оруулах комиссын хугацаатай үүрэг даалгаврын биелэлтийг хангуулах.
2. Барилга байгууламжийг ашиглалтад зүгшрүүлэх, тохируулах хугацаанд Улаангом политехник коллежийн 300 ортой дотуур байр, Архивын барилгуудад үүссэн чанарын доголдлыг гүйцэтгэгч компаниар арилгуулах.

### Орон нутгийн өмчийн газарт:

1. Ашиглалтад хүлээн авсан төсөл, арга хэмжээг бүртгэлд тусгах асуудлыг холбогдох байгууллагад уламжлан шийдвэрлүүлэх.

### Аудитын дүгнэлтээс дараах саналыг Үндэсний аудитын газарт хүргүүлж байна.

1. Оюутны дотуур байрны барилга, 300 ор /Увс, Улаангом сум, Политехник коллеж/ зориулалтын дагуу бүрэн хүчин чадлаар нь ашиглахын тулд шаардлагатай тавилга хэрэгсэл, хатуу зөөлөн эдлэл, тоног төхөөрөмжийг шийдвэрлэх асуудлаар Боловсрол, шинжлэх ухааны яаманд зөвлөмж өгөх асуудлыг Үндэсний аудитын газрын нэгдсэн тайланд тусгуулахаар санал хүргүүлэв.
2. Гэрээний хугацаанд хэрэгжээгүй төсөл, арга хэмжээнүүдийг хэрэгжүүлж ажиллах чиглэлийг холбогдох төсвийн ерөнхийлөн захирагчид хүргүүлж хариуцлага тооцох асуудлыг Үндэсний аудитын газрын нэгдсэн тайланд тусгуулахаар санал хүргүүлэв.